



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Plumbo VIII.

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

Tutie preparatae } Sing. unc. I.
 Cerussa }
 Mastiches }
 Sandaracæ } Singulor. drachm. II.
 Sarcocollæ }
 Olei rosacei libr. II.
 Cerae albæ unc. VIII.
 Succisemperiuae unc. III.

Misce, & secundum artem fiat unguentum. SE. Nisi me coegeris illam semper seruabo de semperiua quam retuli compositionem. BRAS. Et ego semper illam seruandam esse intelligam.

S E N E X.

VIII.

Ad unguentum ergo de Plumbo pedem conferamus. BRAS. Conferamus & manus, si pedes non sint satis, uerum à quo authore accipitur eiusmodi unguentum? SE. Audiui compositionem esse cuiuspiam Leonardi de Berta palea Patauini. BRAS. Fuit suo tempore laudatus uir ille: & quod potuit in hac arte adimpleuit. Eo enim tempore quo ille scripsit, aderat et librorum, et praceptorum inopia, tamen finem suum affecutus est, & unguentum hoc in capite de Erysipelate descripsit: quod inquam unguentum in maximum uenit usum ad infrigidandum, & exiccandum, ut in tota Europa iam receptum sit, & in omni inueniatur pharmacopolio: sed huc ex quibus constat adducito, ut compositionem ipsam contempleremur. SE. Haec est huius unguenti compositio.

Recipe plumbi usti cum sulphure } Sing. unc. II.
 Lithargyrij }
 Cerussa

BRASA VOLI

Ceruffe } Singulorum unc. I.
 Antimonij }

Olei rosacei quantum sufficit.

Misce, & fiat unguentum molle. BRASA. Refrigerat, et exiccat, propterea erysipelas inungendum est, quoniam caliditas ipso remittitur, & materia exiccatur, quæ erysipelas facit. serpentibus etiam confert ulceribus, cancris, & omnibus in summa exedentibus, quia sua frigiditate materierum acritudinē sedat. SE. Alii diu in his casibus multum conferre. BRASA. Et in alijs etiam similibus ubi exiccare, & refrigerare oportet, sed quomodo aduris ex sulphure plumbum? SE. Plumbeas laminas accipio, quas postea in ollam pono, et supra eas nonnihil sulphuris inijcio, ac extendo, demum laminas alias abrado, et supra primas extendo, sulphur etiam super inijciendo, & extendendo, hocq; quater, quinquies, & sexties facio, quoad olla sit plena, postea supra ollam ignem accendo. cum plumbum inflammat, ferrea uirga commisceo, quoad plumbum in cinerem conuertatur, ut nihil penitus de plumbi substantia relictum sit, quin sit totum in cinerem conuersum, postea ab igne remoueo, & in frigidari sino, interim uero et nares mihi claudio, & euito ne oculos meos fumus ille pertingat, nam oculis perniciosus est, et cerebro. BRASA. Probe facis, tamen alius ad est comburendi plumbum modus, si scilicet limetur, et in scobē deducatur, postea cum illo sulphur misceatur, deinde olla igni apponatur, & ferrea uirga agitei, nam ita fit & plumbi adustio, et à multis probatur pharmacopolis, prima uero adustio leuiter est. SE. Alium etiam huius combustionis modum refert

refert Seruitor, est uero accipienda cerussa de plumbo sulphuris loco. Hispani plumbum accipiunt, & in aurificis furnum ponunt, folleq; instant, donec comburatur, deinde sulphur supra illud ponunt donec combustum sit, cum erit combustum colligunt, & ad usus reseruant. BRAS. Hoc est profectò adustum plumbum, & uno quoq; modo adustum est, tamen primus ille quem adduxisti modus mihi prorsus arridet, ueruntamen omnes hi modi in libello scripti sunt, qui seruitor nuncupatur.

Non ne omnia quæ compositionem hanc ingrediuntur, supra porphyricem lapidem extreme teris? SE. Id prorsus facio, quamuis & nonnulli sint quibus satis uidetur omnia in puluerem redigisse. BRAS. At illud exquisitius est, & unguentum pulchrius, atq; efficacius euadit, præsertim si in plūbeo mortario (ut fieri debet) conficiatur. aliqui tamen Ferariæ sunt seplasiarij, qui alio conficiunt modo, & in pondere differunt, neq; antimonium addunt. SENEX. Quomodo hi conficiunt?

BRBS. Hoc modo.

Recipe olei rosacei lib. I.

Cerussæ unc. III.

Plumbi usti loti unc. III. semis

Ceræ albæ unc. III.

Misce. SE. Iam differentiam agnosco & in ponderibus, & quia antimonium prætermisere, sed unde tanta diuersitas ortum habuit? BRAS. Ex uarijs (ut arbitror) scriptoribus, qui ita compositiones immutarūt, at alios audias ita ad consolidandum conficientes.

Recipe cerussæ unc. semis

Camphoræ drach. II.

Plumbi

Plumbi usti drach. I.
 Bulliant in aqua rosacea & de super iniice
 Aquæ rosarum unc. II.
 Olei rosati unc. I.
 Boli armeni unc. semis
 Cere albæ drach. II.
 Misce, & fiat unguētum secundū artem. Alij præterea
 sunt & Venetijs, & Romæ, qui sequentem parant ac
 seruant compositionem.

Recipe Lithargyrij	}	Singulorum unc. III.
Thuris		
Plumbi usti		
Aceti	}	Singulorum lib. I. semis
Succi solatri		
Olei myrtini		
Succi glycyrrhizæ	}	Singulorum unc. VI.
Succi saluiæ		
Succi scillæ		
Camphore unc. III.		

Cum modico cere fiat unguentum in mortario plūbeo.
 SE. Ex tot rebus nunquam fieri audiui. BRAS. Ica-
 circo neque ego hanc compositionem probo, sed potius
 tuam parato, quam superius adduxisti compositionem,
 & seruato.

SENE X. IX.

Ad unguentum de Minio me conferre oportet, quoniā
 suam sedem post unguentum de plumbo habet. BRAS.
 Et authorem à quo accipis adducito, & compositionem
 explicato. SE. A quo authore accipiatur ignoro, tamē
 ita conficio, ut à recentioribus scriptum est, nam Minij
 lib. I.